



世界書局印行

景印
藻堂

四庫全書薈要

史部
第八冊
第八年
編類





本冊目次

書名及撰人

卷次

頁次

御批歷代通鑑輯覽一百十六卷目錄一卷附唐桂二王本末

卷二十四至卷四十四

一七四—一

四卷 清乾隆三十二年御纂

欽定四庫全書薈要

史部
御批歷代通鑑輯覽卷二十四

詳校官助教臣常循

欽定四庫全書薈要卷七千四百七十七

御批歷代通鑑輯覽卷二十四

後漢

皇帝

光元年夏四月雨雹

京師及郡國凡四十
一河西雹大者如斗

遼東都尉龐奮承偽詔斬元菟太守姚光徵抵罪

元菟太守姚光幽州刺史馮煥

巴郡官
渠人

數糾發姦惡

怨者詐作璽書譴責煥光賜以歐刀刑人又下龐奮

欽定四庫全書

御批歷代通鑑輯覽
卷二十四

使速行刑奮即斬光收煥煥欲自殺其子紀

字鴻疑

詔文有異止之煥乃上書自訟徵奮抵罪

秋七月地震

郡國凡
十三

高句驪王遂成降

初高句驪王宮率馬韓濊貊

注俱
見前

數千騎圍元菟夫

餘

今朝鮮東北境古扶餘國
地通輿扶餘國後漢通焉

王遣子尉仇台將二萬

餘人與州郡并力討破之

事在建
光元年

已宮死子遂成立

時姚光為元菟太守上言欲因其喪發兵擊之詠者
皆以為可陳忠曰宮前無點光不能討死而擊之非

義也空遠使弔問去讀前錄
款不加誅取其後善帝從之
至是遂成還漢生口詣

元菟降其後滅貊率服東垂少事

九月地震郡國凡二十七

雨水京師及郡國二十七

遣宦者及乳母王聖女伯榮詣甘陵

尚書僕射陳忠上疏曰竊聞使者所過威動郡縣王

侯二千石至為伯榮獨拜車下修道繕亭徵役無度

賂遺僕從人數百匹謂總帛也伯榮之威重于陛下陛下

欽定四庫全書

御批歷代通鑑輯覽
卷二十四

之柄在于臣妾水災之發必起于此臣願明主嚴天

元之尊正乾剛之位不宜復令女使干錯萬幾書奏

不省時機事專委尚書而災變輒免三公忠又上疏曰漢典舊事丞相所請廉有不聽今之三公雖

當具名而無其實選舉誅賞一由尚書近以災異切讓三公臣心常獨不安又尚書決事多違故典罪法

無例詆欺為先宜割而勿聽上順國典下防威福置方圓于規矩審輕重于衡石誠國家之典萬世之法

也

汝南黃憲字叔度汝南慎陽人卒

憲初舉孝廉又辟公府友人勸其仕憲亦不拒暫到

史稱憲言論風
骨無所表見而
見者稱其深遠
夫既無表見所
謂深遠者安在
雖憲在當時不
失為高蹈然史
論實錄蓋虛終
有口實當別白
觀之

京師而還竟無所就年四十八終天下號曰徵君世

資賤父為牛醫憲年十四穎川荀淑遇于逆旅歎然

吳之揖與語移日不能去謂曰子吾之師表也前見

袁閭未及勞問進曰子國有顏子寧識之乎閭曰見

吾叔度邪同郡哉良才高儒傲而見憲未嘗不正容

對曰良不見叔度自以為無不及既覩其人則瞻之

在前忽然在後固難得而測矣陳蕃周舉常相謂曰

時月之間不見黃生則鄙吝之萌復存乎心矣太原

郭泰少游汝南過袁閭不宿而退從憲累日乃還或

問之泰曰奉高之器譬諸沈潛雖清而易挹叔度汪

汪若千頃陂澍之不涸清之不濁不可量也荀淑

字季和潁川潁陰人袁閭字奉高汝南人戴良字叔

高潁陽人陳蕃字仲舉平輿人周舉

字宣光汝陽人郭泰字林宗太原人

欽定四庫全書

御批歷代通鑑輯覽
卷二十四

二年夏四月封王聖為野王君

以班勇為西域長史將兵屯柳中注見前

北匈奴連與車師寇河西議者欲復閉玉門陽關以

絕其患敦煌太守張璠上書陳三策略曰北虜呼衍王常展轉蒲類

漢車師前王庭地唐朝廷下其議陳忠請于敦煌復

置校尉增四郡屯兵以撫諸國于是復以班勇為西

域長史將兵五百人出屯柳中

秋七月丹陽山崩此丹陽今寧國府是

九月雨水郡國凡五

以楊震為太尉

耿寶薦李閔兄于震曰李常侍國家所重欲令公辟

其兄寶惟傳上意耳震曰如此則宜有尚書勅寶大

欽定四庫全書

御批歷代通鑑輯覽

四

恨而去閭顯亦薦所親震又不從司空劉授聞之即辟此二人由是震

益見時詔使者大為王聖修第樊豐周廣謝惲等傾

搖朝廷震上疏曰方今災患滋甚百姓空虛三邊震

擾帑藏匱乏而為阿母起第為費巨億廣惲兄弟依

倚近倖與之分威屬託州郡傾動大臣招徠貪汙之

人受其貨賂復得顯用白黑溷淆天下謹誨臣聞師

言上之所取財盡則怨力盡則叛怨叛之人不可復

使惟陛下度之上不聽

冬十二月地震京師及郡國三

聘處士周燮字彥祖汝南安成人馮良字君郎南陽人不至

陳忠薦汝南周燮南陽馮良學行深純隱居不仕帝

以羔幣聘之燮宗族勸之曰夫修德立行所以為國君獨何為守東岡之坡乎燮曰夫修德

者度時而動動而不時焉得亨乎燮與良皆自載至近縣稱病而還

甲子三年春正月班勇擊走匈奴田車師者西域復通

班勇至樓蘭以鄯善歸附特加三綬龜茲王白英猶

自疑未下勇開以恩信乃率姑墨溫宿自縛詣勇因

欽定四庫全書

御批歷代通鑑輯覽

五

發其兵到車師前王庭擊走匈奴于伊和谷于是前

部始復開通還屯田柳中後勇擊斬車師後王軍就及匈奴使者傳首京師事

在四

二月帝東巡三月還未入宮策收太尉震印綬遣歸故

郡震自殺

樊豐等見楊震連諫不從無所顧忌遂詐作詔書調

發司農錢穀大匠見徒見形面反徒材木各起家舍

園地震復上疏略曰臣備台輔不能調和陰陽去年十二月四日京師地震其日戊辰三

胡寅以楊震目
取殺身在於不
能決去其說非
是明哲保身在
小臣不預國政
者或以藉口震
即欲去亦當在
未為大尉時否
則國之三公猶
不知寒暑運窮
之義可乎故謂
震不能自強變
之才則可謂震
不能自強身之
智則不可

者皆土位在中宮此中臣近官持權用事之象也陛下以邊境未寧躬自菲薄宮殿垣屋傾倚枝柱而已而親近侍臣驕溢踰法惟陛下奮乾剛之德奮騎奮之臣以承皇天之戒所言轉切帝既不平而豐等憤怨帝發怒欲誅騰震救之曰殿周哲

王小人怨望則還自敬德乞全騰命及帝東巡太尉部掾高舒得豐等所詐下詔書具奏須行還上之豐等惶怖會太史言星變逆行遂共譖震云自趙騰死後深懷怨懟且鄧氏故吏有恚恨心帝然之及還京師便臨太學即其夜遣使者策收震太尉印綬震于

欽定四庫全書

是柴門柴塞其門也絕賓客豐等復惡之令耿寶奏

震志望有詔遣歸故郡震行至城西夕陽亭乃懷既謂其諸子門人曰死者士之

常分各蒙恩居上司疾如臣校猶而不能誅惡驥女傾亂而不能禁何面目復見日月身死之日以難木為棺布單被裁足蓋形因飲酖而卒弘農太守移良承樊豐等皆遣

吏于陝縣留停震喪露棺道側譏震諸子代郵行書道路皆為順涕移姓齊公子雍食邑于移其後因

夏四月閭中秦縣今為四川保寧府治山崩

以耿寶為大將軍

秋九月廢太子保為濟陰王

王聖江京樊豐等譖太子乳母王男厨監主飲食者邴吉

等殺之太子歎息京豐懼乃與閹后讒太子帝怒召

公卿議廢太子耿寶等皆以為當廢太僕來歷字伯珍

曾與太常桓焉字叔元廷尉張皓字叔明號為武陽人留侯良之後

議曰經說年未滿十五過惡不在其身且男吉之謀

皇太子容有不知宜選忠良保傳輔以禮義廢置事

重此誠聖恩所宜宿留不從遂廢太子為濟陰王居

欽定四庫全書

德陽殿西鐘下來歷乃要結光祿勳祕書郎劉偉將作大匠薛皓侍中閹邱弘陳光趙

代施廷大中大夫朱依等十餘人侯諸鴻都門證太子無通帝使中常侍詔曰父子一體天性自然以義割恩為天下也歷諷等不識大典而共為譖諛外見忠直而內希後福朝廷廣開言路故且一切假貸若

懷迷不決當顯明刑書皓先報首曰固宜如明詔歷怫然庭詰皓曰屬通諫何言而今復背之大臣處國

不肯去尚書令陳忠劾奏歷等乃免歷兄弟官制國相顯歷母武安公主不得令見德陽殿章懷注在北宮掖庭中西鐘下西廂下懸鐘之所也鴻都門北

庚申晦日食

宮門名閭邱複姓左傳齊有閭邱嬰

地震京師及諸郡國凡二十三大水雨雹郡國凡三十六

四年春二月帝如宛

三月戊午朔日食

帝崩于葉注見前還宮發喪

帝崩于乘輿年三十二皇后與閻顯兄弟江京樊豐等謀

以濟陰王在內恐公卿立之乃偽云帝疾甚徙御卧

車所在上食問起君如故馳歸四日至洛陽

尊皇后曰皇太后太后臨朝以閻顯為車騎將軍儀同

欽定四庫全書

三司迎北鄉侯懿入即位

太后欲久專國政貪立幼年與顯等定策迎濟北惠

王名壽章子北鄉濟北國邑侯懿為嗣濟陰王以廢黜不

得上殿親臨梓宮悲號不食羣僚莫不哀之

樊豐等下獄死耿寶自殺王聖伯榮徙鴈門

閻顯忌樊豐耿寶風有司奏貶寶為亭侯遣就國寶

自殺豐及謝憚周廣下獄死聖母子徙鴈門于是顯

以弟景為衛尉耀為城門校尉晏為執金吾並處權

要威福自由

葬恭陵在洛陽縣東南

賀善贊曰安帝即位所書羌夷盜賊災變世道可知
及聞抑佞臣厚無母疾忠賢望其弭災靖亂尚可得
乎

冬十月越雋山崩

北鄉侯薨尹起莘發明北鄉侯已即位而不書崩不成
乎君也不成乎君而書薨既臨大位異乎羣

也臣

閻顯白太后秘不發喪更徵諸王子閉宮門屯兵自

欽定四庫全書

御批歷代通鑑輯覽

守

十一月地震京師及郡國凡十六

中黃門孫程等迎濟陰王保入即位是為孝
順帝誅

閻顯等遷太后于離宮封宦者孫程等十九人為列侯

初北鄉侯病篤孫程等十九人孫程王康王國與中
黃門黃龍彭越孟叔

李建王成張駿史丹馬國王道李元楊代謀立濟
陰王至是夜入省門遇江京劉安陳達斬之以李閻

積為省內所服脇與俱迎濟陰王即皇帝位時年
十一名

鄭衆孫程並以
閻人定策封爵
漢祚日替此一
大閹鍵黃門之
禍何待後日始
見耶

尚書令以下從輦幸南宮登雲臺召公卿百寮使虎

賁羽林士屯南北宮諸門

閭顯詩在禁中憂迫不知所為小黃門樊登勸顯以

太后詔召越騎校尉馮詩將兵屯平朔門且授之印

日能得濟陰王者封萬戶侯詩許諾辭以兵少顯使

與樊登迎吏士于門外詩因格殺登歸營屯守顯弟

景還外府收兵孫程傳召諸尚書使收景送廷尉獄

即死明日遣使者入省奪得璽綬乃收顯及其弟耀

晏誅之家屬皆徙比景後漢縣屬南郡遷太后于離宮又

明日開門罷屯兵封程等皆為列侯是為十九侯擢

程為騎都尉弘等先卒皆拜其子為郎朱儀施延陳

欽定四庫全書御批歷代通鑑輯覽卷二十四

光趙代皆見拔用後至公卿徵王男郎吉家屬還京

師厚如賞賜初閭顯辟崔瑗為吏瑗以北鄉立不以

正知顯將取欲說令收江京廢少帝而立濟陰王而

顯曰沈醉不得見乃告長使陳禪欲與共求見言之

禪猶豫未聽從會顯取瑗坐片門人蘇祜欲上書言

狀瑗遠正之譚謂曰弟聽祜上書禪請為證瑗曰此

譬猶兒妾屏語耳願勿復出口遂辭歸不復應

州郡命崔瑗字子玉涿郡安平人顯之子

葬北鄉侯

以諸王禮

改葬故太尉楊震祠以中牢

楊震門生虞放陳翼詣闕追訟震事詔除震二子為

郎贈錢百萬以禮改葬于華陰潼亭

震墓在今陝西潼關西大道北

遠近畢至

有大鳥高丈餘集震前俯仰悲鳴葬畢乃飛去即以狀聞帝感震忠貞後以中牢

具祠之時人立石圖鳥像于墓所

孝順皇帝

丙寅永建元年春正月帝朝太后于東宮

初議郎陳禪以為閭太后與帝無母子恩宜徙別館

絕朝見周舉謂司徒李郃延光四年曰瞽瞍常欲殺

舜舜事之逾謹鄭莊公秦始皇事具見前怨母隔絕後感

欽定四庫全書御批歷代通鑑輯覽卷二十四

穎考叔茅焦之言復修子道書傳美之今諸閭新誅

太后幽在離宮若悲愁生疾一旦不虞主上將何以

令于天下如從禪議後世歸咎明公宜密表率羣臣

朝覲以厭天心以答人望郃即上疏帝從之太后意

乃安

皇太后閭氏崩合葬恭陵

隴西鍾羌反馬賢擊破之

賢將七千餘人戰于臨洮斬千餘級羌請率種人降

進封賢都鄉侯自是涼州無事

秋八月下司隸校尉虞詡獄尋赦出之以為尚書僕射

左雄字伯豪南郡涇陽人為尚書

司隸校尉虞詡到官數月奏太傅馮石太尉劉熹阿

黨權貴免之又劾中常侍程璜陳秉孟生李閏等百

官側目三公劾奏詡盛夏多拘繫無辜為吏民患詡

上書自訟曰法禁者俗之隄防刑罰者民之銜轡臣

所發舉職罪非一三府恐為臣所奏遂加誣罪臣將

欽定四庫全書

御批歷代通鑑輯覽
卷二十四

從史魚死即以尸諫耳

韓詩外傳史魚將死謂其子曰我言蘧伯玉賢不能進蘧

子瑕不肖不能退死不當埋殯于室足矣子以父言聞之君立召伯玉而貴之子瑕而退之又索

中常侍張防屢寢不報詡不勝憤乃自繫廷尉奏言

曰昔樊豐幾亡社稷事見前今張防復弄威柄臣不忍

與防同朝謹自繫以聞書奏坐論輸左校防必欲害

之二日之中傳考四獄孫程張賢等乞見曰虞詡盡

忠更被拘繫張防贓罪明正反構忠良今客星守羽

林古今注曰二月甲午客星入太微奎部上書曰乃月十三日有客星氣象彗星歷天市極河指搖槍

周舉說朱侯以功臣大德不可忘者實極人也則時稱舉為忠諫者亦可見矣

拾十六日入紫宮迫北辰十七日復過文昌恭陵天船積水間稍微不見如占恐復有居帝旁耗亂政事

者其占宮中有奸臣宜急收防送獄以塞天變時防

在帝後程叱防下殿奏曰陛下急收防無令從阿母

帝乳母宋城求請帝問諸尚書賈朗素與防善證詡之罪

帝疑于是詡子顗與門生百餘人候中常侍高梵車

訴言枉狀梵入言之防坐徙邊即赦出詡徵拜議郎

數日遷僕射詡上疏曰方今公卿以下類多拱默以

樹恩為賢盡節為愚伏見議郎左雄有王臣蹇蹇之

欽定四庫全書

御批歷代通鑑輯覽
卷二十四

節宜擢在喉舌之官必有匡弼之益由是拜雄尚書

遣孫程等十九侯就國

程等坐懷表上殿爭功徙封遠縣程徙封宜城侯因遣十九

侯就國促期發遣司徒掾周舉謂司徒朱伉字孫卿

是年二月李曰朝廷非程等不立今忘大德錄小過

如道路天折使上有殺功臣名宜急表之伉乃諫帝

從之復故爵土三年召程還京師陽嘉元年卒

丁卯二年夏六月追尊母李氏為恭愍皇后

自古求才必先
行實志有因其
虛名相尚遂以
高爵收之古東

初帝母李氏為閹太后所害事見前瘞洛陽城北至是

左右白之帝發哀親到瘞所更以禮殯恭陵

遣敦煌太守張朗與班勇擊焉耆降之徵勇下獄免

先是班勇誅斬東且彌西域國去洛陽九千二百五十里王更立其

種人為王又發諸國兵擊匈奴呼衍王呼衍王亡走

徙居枯梧河上西域皆服惟焉耆王元孟未降勇請

攻之于是遣朗將河西四郡兵與勇兩道擊之朗先

有罪欲邀功自贖遂先期至爵離輝氏西域記龜茲國北山上有寺名

欽定四庫全書

御批歷代通鑑輯覽
卷二十四

離關元孟乞降朗入受降而還勇以後期徵下獄免

後卒朗亦免官

秋七月甲戌朔日食

以許敬字鴻卿平輿人為司徒朱儀罷

敬仕于安和之間當實鄧閹氏之盛無所屈撓三家

既敗士大夫多染汙者獨不及敬當世以此重之

聘樊英字季齊南陽魯陽人為五官中郎將

英善星算推步災異隱于壺山章懷注山在鄧州新

漢自嚴光後知
相無識競以隱
進者得因而中
之范史於樊英
入方技不入隱
逸味為有見

所云天封之陽州郡禮請公卿舉賢良有道皆不行

安帝初徵為博士建光元年與孔喬字子松李昂字

然郎宗字仲純安邱人楊倫字仲理東安人王輔字公助安陸人等同徵

不赴至是帝復以策書元纁備禮徵之英固辭疾篤

不聽英不得已到京稱疾彊輿入殿猶不能屈乃設

壇席賜几杖待以師傅之禮延問得失拜五官中郎

將數月英稱疾篤詔以為光祿大夫賜告歸令所在

送穀以歲時致牛酒英初被詔命眾皆以為必不降

欽定四庫全書

御批歷代通鑑輯覽
卷二十四

志及後就聘應對無奇謀深策談者失望

以處士楊厚字仲宣廣漢新都人黃瓊字世英香之子為議郎

時又徵楊厚黃瓊厚至豫陳漢有三百五十年之厄

以為戒拜議郎瓊將至李固字子堅以書遺之曰語

云嶢嶢者易缺皦皦者易汙盛名之下其實難副是

故俗論皆言處士純盜虛聲願先生宏此遠謨令眾

人歎服一雪此言耳瓊至亦拜議郎稍遷尚書僕射

數上書言事帝頗採用之因少好學以父命為司徒因改姓名杜業歷歷負策

從師不遠千里每到太學密入公府
定省不令同業諸生知其為鄒子也

戊辰三年春正月京師地震漢陽地陷裂

己巳四年春正月帝冠

夏五月桂陽獻大珠還之

詔曰海內頗有災異朝廷修政減膳珍玩不御而桂

陽太守文龍遠獻大珠以求幸媚今以還之

秋九月詔復安定北地上郡安帝永初五年徙至是復

虞詡言安定北地上郡山川險阨沃野千里土宜畜

欽定四庫全書

御批歷代通鑑輯覽
卷二十四

牧水可溉漕頃遭羌亂郡縣兵荒二十餘年矣棄沃

壤之饒捐自然之財不可謂利離河山之阻守無險

之處難以為固今三郡未復園陵單外言無嚴障宜開聖

聽考行所長從之使謁者督徙者各歸本縣繕城郭

置候驛又浚渠屯田省費歲一億計遂令諸郡儲粟

周數年

辛未六年春二月以沈景吳郡人為河間相

河間王政章帝子開封河間王開卒子政嗣傲很不奉法帝以待御

史沈景彊能擢為河間相景到國謁王王不正服箕

踞殿上侍郎贊拜景時不為禮問王所在虎賁曰是

非王邪景曰王不正服常人何別今相謁王豈謁無

禮者邪王慙而更服景然後拜出請王傳責之曰前

發京師陛見受詔以王不恭使相檢督諸君空受爵

祿曾無訓導之義因捕諸奸人奏按其罪出寃獄百

餘人政遂改節悔過自修

三月復置伊吾司馬開屯田

欽定四庫全書

御批歷代通鑑輯覽
卷二十四

帝以伊吾膏腴傍近西域匈奴資之以為鈔暴復令

開設屯田置司馬一人

秋九月起太學

初安帝薄于藝文博士不復講習朋徒怠散學舍頗敝

鞠為蔬園將作大匠翟酺請更修繕誘進後學左雄

亦以為言帝從之凡造二百四十房千八百五十室

壬申陽嘉元年春正月立貴人梁氏名妯梁氏侯商次女恭懷皇后弟雍之孫

為后

鄭吉屯孫犂班
趙屯疏勒皆出
塞二千里是
善邊防正以衛
內地豈有三郡
逼近西京轉可
移民避寇者况
郡縣既空適足
逞戎馬之足直
揖廷耳

帝欲立后而貴人有寵者四人莫知所建僕射胡廣

字伯始南郡華容人等上疏曰岐嶷形于自然覩天必有異表

宜參良家簡求有德德同以年年鈞以貌稽之典經

斷之聖慮帝從之后少好史書選為貴人常特被引

御從容辭曰夫陽以博施為德陰以不專為義願陛

下思雲雨之均澤小妾得免于罪帝由是賢之立以

為后

夏四月以后父商字伯夏為執金吾

欽定四庫全書

御批歷代通鑑輯覽

十八

立孝廉限年課試法

尚書令左雄上言孔子曰四十不惑禮稱強仕請自

今孝廉年不滿四十不得察舉諸生試家法章懷太子注

家之孝故文吏課箋奏乃得應選若有茂才異行如

顏淵子奇劉向新序子奇齊人年十八自可不拘年

齒帝從之時廣陵所舉孝廉徐淑年未四十臺郎詰

本郡以臣充選郎不能屈雄詰之曰昔顏淵聞一知十孝廉聞一知幾邪淑無以對乃罷却之雄公

直精明能審覈真偽決志行之濟陰太守胡廣先見

雄所奏乞宣下百官參其同吳帝卒從雄奏出廣為太守等十餘人皆坐謬舉免

黜惟陳蕃李膺字元禮潁川襄城人陳球字伯真下邳淮浦人等三十餘

人得拜郎中自是牧守畏慄莫敢輕舉察選清平多

得其人雄又上疏曰寧民之道必在用賢用賢之道

則民服教化今典城百里轉動無常謂聚斂整辦為

賢能以治己安民為劣弱監司項背相望見非下舉

聞惡不察言善不稱德論功不據實虛誕者可就增秩

勿移徙其鄉部親民之吏皆用儒生清白任從政者

吏職滿歲乃得辟舉如此虛偽之端絕迎送之役省

民各寧其所矣帝悉從之而官者不便終不能行

欽定四庫全書

御批歷代通鑑輯覽

十九

二年春正月徵郎顗郎氏魯懿公孫費伯城郎因吾

為郎中不就

上召郎顗問以災異顗因條便宜七事一園陵火災

宮殿官府歲時未積使更修造願校計繕之費永念

百姓之勞罷將作之官二今三公皆令色足恭外屬

內廷無佐國之實宜采納良臣以助聖化三今年春

旱夏水宜務節約四去年災感出入軒轅宜簡出宮

女五去冬有白氣從西方天苑趨參左入玉井恐有

毛冠宜為備禦六恭陵大災主名未立多所收捕備

陰陽多謬異人同咨宜黜司徒以應天意七漢興以

來三百二十九歲于時三期宜大蠲法令去奢就儉

陽嘉元年恭陵百丈廡災軒轅十二星后妃所居天苑注見前玉井參星下四小星復上書薦

黃瓊李固又言自冬涉春訖無嘉澤朝廷勞心廣為

禱祈臣聞皇天感物不為偽動災變應人要在責已

若令雨可請降水可禳止則太平可待然而災害不

息者患不在此也書奏特拜郎中辭病不就

封乳母宋娥為山陽君

帝之立也娥與其謀故封之又封梁商子冀為襄邑

侯左雄上書諫曰臣案尚書故事無乳母爵邑之制

欽定四庫全書

御批歷代通鑑輯覽

卷二十四

惟先帝時王聖為野王君聖造讒賊廢立之禍生為

天下所咀嚼死為海內所懼快臣請歲以錢千萬給

阿母內可以盡恩愛之歡外可以不為吏民所怪梁

冀之封事非機急宜過災厄之運然後平議可否于

是商讓還冀封

夏四月京師地震詔公卿直言舉敦樸之士

左雄復上疏曰先帝封野王君漢陽地震今封山陽

君京城復震專政在陰其災尤大臣前後發言封爵

至重冀已高讓山陽君亦宜崇其本節雄言切至娥

亦畏懼辭讓而帝卒封之

是時大司農劉據以議事被譴召詣尚書傳呼從

加以捶撲雄上言九卿大臣行有佩玉之節孝明皇帝始有撲罰非古典也帝納之

京師地圯詔引敦樸士對策

洛陽宣德亭地圯八十五丈帝引公卿所舉士對策

李固

衛尉賈建舉固

對曰漢興三百餘年豈無阿乳之恩然

上畏天威俯案經典知義不可故不封也今宋阿母

雖有功勤但加賞賜足酬其勞裂土開國實乖舊典

欽定四庫全書

御批歷代通鑑輯覽

卷二十四

梁氏子弟榮顯兼加永平建初故事殆不如此宜令

還居黃門之官使權去外戚政歸國家又詔書所以

禁侍中尚書中臣子弟不得為吏察孝廉者以其秉

威權容請託故也而中常侍在日月之側聲勢震天

下子弟祿仕曾無限極諂偽之徒望風進舉今可為

設常禁同之中臣尚書為陛下喉舌出納王命權尊

勢重宜擇其人以毗聖政刺史二千石外統職事內

受法則夫表曲者影必邪源清者流必潔由此言之

本朝號令豈可蹉跌又宜罷退官官去其權重裁置

常侍二人方直有德者省事左右小黃門五人才智

閑雅者給事殿中如此則論者厭塞昇平可致也時

馬融字季長扶風茂陵人張衡字平子南陽西鄉人皆對策上以固為第

一即出阿母還舍諸常侍叩頭謝罪朝廷肅然以固

為議郎而阿母宦者皆疾之詐為飛章以陷其罪大

司農黃尚字伯河南郡人僕射黃瓊救之久乃得釋

出為維令棄官居漢中阿母後竟坐構奸誣罔收印

欽定四庫全書

御批歷代通鑑輯覽

卷二十四

綬還里舍衡善機巧尤致思于天文陰陽歷算為太史令作渾天儀著靈憲造候風地動儀時

皆服其妙胡三省注蔡邕曰言天體者三家一曰司解二曰宣夜三曰渾天惟渾天者近得其情今史

官所用候臺銅儀則其法也衡靈憲序曰在昔先王將步天路用定靈軌尋緒本原先準之于渾體是為

正儀故靈憲作興又衡本傳候風地動儀以精銅鑄成圓徑八尺合蓋隆起形似酒樽中有都柱旁行八

道外有八龍首銜銅丸下有蟾蜍張口承之如有地動則龍機發吐丸而蟾蜍銜之振聲激響雖一龍發

機而七首不動尋其方乃知靈之所書典所紀未之有也

秋七月太尉龐參免

參在三公中最名忠直數為左右所毀司隸乘風案

之段恭廣漢上計掾上疏曰太尉參極忠盡節不能曲心

孤立羣邪之間自處中傷之地夫以讒佞傷毀忠正

此天地之大禁人主之至誠也國以賢治君以忠安

願卒寵任以安社稷書奏詔遣小黃門視參疾致羊

酒會參夫人疾前妻子殺之雒陽令奏參罪竟以災

異免

甲戌三年夏五月旱

時春夏連早上露坐德陽殿東廂請雨問消變之術

欽定四庫全書

御批歷代通鑑輯覽

卷二十四

周舉對曰陰陽閉隔則水旱成災宜推信革政崇道

變惑出後宮不御之女除大官重膳之費慎官人去

貪佞帝曰貪佞者為誰對曰公卿大夫數有直言者

忠正也阿諛苟容者佞邪也張衡亦曰前年京師地

震土裂裂者威分震者民擾也願陛下稽古率舊勿

令刑德八柄不由天子然後神望允塞災消不至矣

乙亥四年春二月初聽中官得以養子襲爵

御史張綱字文記上書曰竊尋文明二帝德化尤甚

中官常侍不過兩人近幸賞賜裁滿數金惜費重民
故家給人足而頃者無功小人皆有官爵非所以愛
民重器承天順道也書奏不省

以后父商為大將軍

商稱疾不起且一年帝使太常桓焉奉策就第即拜

商乃詣闕受命商少通經傳謙恭好士辟巨覽漢陽人

陳龜字叔珍上黨注氏人為掾屬周舉李固為從事中郎固以

商和柔自守不能有所整裁乃奏記曰數年以來災

欽定四庫全書

御批歷代通鑑輯覽

卷二十四

三十四

怪屢見天道無親可為祇畏誠令王綱一整道行忠

立明公踵伯成之高莊子天地篇堯治天下伯成子高立為諸侯堯授舜舜授禹伯

成子高辭為諸侯而耕全不朽之譽豈與外戚凡輩耽榮好位

者同日而論哉商不能用

秋閏八月丁亥朔日食

冬十二月京師地震

永和元年冬十二月以王龔字伯宗山陽高平人為太尉

龔深疾宦官擅權上書極言其狀諸黃門使客誣奏

龔罪帝命龔亟自實李固奏記于梁商曰王公以堅

貞之操橫為讒佞所搆衆人聞知莫不歎慄夫三公

尊重無詣理訴寃之義王公卒有他變則朝廷獲害

賢之名羣臣無救護之節矣語云善人在患飢不及

餐斯其時也商即言之事乃得釋

以后兄冀為河南尹

冀嗜酒佚遊居職縱暴商客呂放以告商讓之冀遣

人殺放而恐商知之乃推疑放之怨仇請以放弟禹

為洛陽令使捕之盡滅其宗親賓客百餘人

武陵蠻反

初武陵太守言蠻夷率服可增租賦虞詡曰自古聖

王不臣異俗先帝舊典貢稅多少所由來久矣今猥

增之必有怨叛計其所得不償所費帝不從至是蠻

果爭貢布非舊約遂殺鄉吏舉種反明年春以李進

為武陵太守討平之進簡選良吏撫循蠻夷郡境遂

安

欽定四庫全書

御批歷代通鑑輯覽

卷二十四

三十五